



寧澹齋全集卷之四目錄

五言律詩

登招寶山

寄懷孫稚繩年丈二首兼以志感

春朝漫興

袁繩武謁選北上因懷文榮公

憑虛閣三首

秋日趨朝時

賜熊經畧尚方劔及白金

文綺予以捧

勅紀事

送嚴爾施內弟南還壽母

香山次韻

夏日宴王駙馬園亭

送詹思理年丈之任遂安

邨舍

淳安早發

抵新安過竹嶺關望三天子都

新霽登華頂偶見三鹿逸出

謁玄帝殿

題雲巖

躋齊雲絕頂

弘濟寺

將下雲巖

別業

夏日同姚汝行小讌

秋宵即事

守歲

遊叢山寺呂氏小淇園三首次楊修齡侍

御韵

送姚子雲赴省試

秋夜有懷

清道觀仝王劉二生少選

邢内翰母八十

送姚去文南還

恭謝 晉藩二首用來韵

册封還宿鳴謙驛

小憇香山寺

東光道上仝莊仲肩年丈談及邊事

嘉禾道中

西湖夜泛二首

武林苦雨

渡錢塘

清興

寄永嘉令陸仲謀年丈二首

連山驛即事將為天台之行時辛亥春日

也

過竹溪

宿國清

望桃源

馬家山

陸石屏畫隱

立春日道中

新秋試草

秋望二首

送姚椽之任泲橋

水雲樓望月

詩史

送李輔之兄弟北上

贈奉邑大令

飲署中即事

送蘆海上人還越

補遺

壽筵志喜

端午日家宴紀事

寧澹齋全集卷之四目錄

寧澹齋全集卷之四目錄

終

寧澹齋全集卷之四

句章楊守勤克之甫著

同社姚孟燿汝行甫校

五言律詩

登招寶山

梵宇臨滄嶼朝曦映海潮蛟門紛蜃氣蓬島出  
霞標浪湧千巖白帆輕一葉飄縱觀殊浩渺吾  
意欲凌霄

寄懷孫稚繩年丈二首兼以志感

避形防射影暢飲爲澆愁阿世原非好匡時未  
有籌西山驚薄暮遠道隔深秋寄語雲霄客年  
來已倦遊

世路紛難定憂深鬢獨星迂人虞拭唾多病慙  
長醒愛讀無心傳閒書道德經臨流堪把釣應  
不羨侯鯖

春朝漫興

山色向春榮花開錦作城鳥含青入障蜂採綠  
還營客帽頻簪翠姝裙競染蘅何當吟興發把

酒和倉庚

袁繩武謁選北上因懷文榮公

鼎石餘風在華簪喜屬君揚鞭歸鳳闕落筆動  
燕雲推轂多元老論交有俊羣好緡宣室事惆  
悵續遺文

憑虛閣三首

傑閣俯層陰登臨物外心荒烟迷遠塞高樹市  
深林鐘鼓迎風出鶯花逐影侵閒情寄山水誰  
復問朝簪

玄宮木末迴樓閣望中開鳥革驚千仞雲梯接  
五臺塵空沙漠外人似日邊來壯志冲霄漢留  
連未肯回

殘虹明遠浦片雨洗平疇戶敞埜雲度堦空瀑  
水流舞因花影亂曲和鳥聲悠日暮渾忘返高  
眠傍斗牛

秋日趨朝時

賜熊經畧尚方劔及白金

文綺予以捧

勅紀事

大武當秋序趨朝及曉籌飛書驚絕幕命將塵

宸旒劔賜行樞重金頒內府優敢虛扶轂意指

日減凍齒

送嚴爾施內弟南還壽母

送子出通津涼颼乍捲塵正宜東去客偏惜北  
留人入境村醅熟歸家舞彩新相期重握手韶  
令及三春

香山次韻

尋山至山寺得意却忘山巖樹坐來靜僻蘿春  
自閒樓臺星斗上鐘磬翠微間頓覺塵寰遠清



溪踏月還

夏日宴王駙馬園亭

聯騎尋芳徑誰家醉碧筒屏開都尉府門接帝  
王宮繁吹喧庭鳥高歌過澗松閒亭幽意足坐  
月喜當空

送詹思理年丈之任遂安

縮綬向專城秋風曉露行蘆花飛祖席柳色傷  
崑程蹟弔嚴陵古竒探天目清武疆山最峻應  
與治齊名

邨舍

邨舍無竒玩開門剩有山烟霞時聚散麋鹿任  
遊閒藤杖溪邊出樵歌日暮還乾坤方浩蕩人  
世樂仙關

淳安蚤發

溪棹凌晨放朦朧月漸明風濤衝岸急林樹遶  
涯平遠寺鐘初寂荒村鷄乍鳴何因勞跋涉慙  
愧此身輕

抵新安過竹嶺關望三天子都

筍輦過竹嶺天際見雄關擬挾三都賦還更萬  
疊山地分吳越界人寄水雲間塵慮今朝息仙  
原似可攀

新霽登華頂偶見三鹿逸出

百折登華頂秋空正午晴萬山皆培塿一柱獨  
孤撐鹿自峰頭下雲從杖底生竦身一凝眺咫  
尺是瑤京

謁玄帝殿

寶殿通玄極差峩貫斗牛雲翻龍甲動霧擁鸞

烟浮法雨飛神劍靄光護帝丘呼嵩臣子意爲  
祝萬年秋

題雲巖

萬疊雲巖勝雲飛巖欲飛空花隨雨散鳴鳥避  
寒稀峭壁捫蘿上芒鞋踏翠歸浮生祗鹿鹿誰  
啓白雲扉

躋齊雲絕頂

幽探窮絕巖秋色正霏微步曳星辰履身披雲  
霧衣搏風疑象舞驂月見鸞飛便欲騎鯨去長

從白帝畿

弘濟寺

乍劈雲房出旋扶海市懸  
濤聲平厯寺石罅曲  
藏天一水明寒日千峰澹  
夕烟如聞超曠劫曾  
否問桑田

將下雲巖

奇岩誰削就截業費躋攀  
境接蓬壺迴人隨鶴  
鹿還倚天飛劍氣下榻臥  
雲關何日辭塵鞅從  
茲學駐顏

別業

白社棲遲久青門不復遊  
雨餘看鳥過日暮見  
雲流剪韭迎來客烹茶訪  
比丘幽情誰可語溪  
畔有羊求

夏日全姚汝行小讌

春光不覺度維夏忽相催  
麗日浮新竹融風長  
細葍傳杯涼閣快分韵雅  
歌來薄暮餘清賞遲  
歸興未回

秋宵即事

涼颼亂槐影皓月映青蕖醉舞起栖鳥豪吟出  
游魚登臺近星漢橫笛飄華裾身世在何所翩  
翩凌太虛

守歲

旅邸逢除歲杯殘興轉悠拚將一夕醉送却百  
年愁爆竹寒銷焰燈花笑吐毬明朝有嵩祝喜  
得獻螭頭

遊叢山寺呂氏小淇園三首次楊修齡侍

御韻

名園無異植入眼盡琅玕地煖生孫茂林深送  
響寒石欄題翰藻苔徑積文癡使者停飛蓋檀  
藥不厭看

文安崇秩祀拓宇秀峯前入廟思鴻烈承家有  
象賢門留槐栢古沼泛荇蘋鮮瞻對情無限譚  
餘坐屢遷

層臺凌越嶠萬頃映郊園竹底笙瑛奏空中鷄  
犬喧天風飄月樹雲影度仙旛恍坐瓊樓下相  
邀倒玉尊

送姚子雲赴省試

蘭鷁錢塘遠檣烏帶月衝吳山端立馬雲物正  
從龍蓉鏡瓊霄下銀盤桂影重前程從此發行  
矣快遭逢

秋夜有懷

夜色深秋迴繁星動九天槐陰泣踈露鷗影亂  
前川旅服驚砧斷寒衾帶月眠最憐邊塞客萬  
里久孤騫

清道觀仝王劉二生少選

春郊乘曉麗玉殿泛霞觴霧捲晴嵐盡花翻暖  
色香塵談傾逸少道奧闡劉商滿座清歌發行  
歸趁夕陽

邢內翰母八十

鳳闕傳綸日萱庭設悅時和熊先世業舞綵百  
年期入饌江魚美流芳庭樹滋願言綬後祿袍  
笏疊孫枝

送姚去文南還

秋色那堪別懷君故國心長途驚落葉止宿怕

聞砧匣劍光侵斗囊詩韵擲金重來飛蹠蹀寧  
許滯家林

恭謝 晉藩二首用來韵

秋爽開藩邸磐宗意氣豪傾葵朝玉節拜扇繡  
麟袍道接河汾近名逾梁苑高金閨陪燕席醉  
德過醇醪

天潢崇大雅折節禮儒流設醴因交穆雕龍欲  
掩劉和顏非飾貌忠計總藩周宸眷方深渥褒  
恩下蕪荒

册封還宿鳴謙驛

兩度鳴謙驛停驂倦解衣地高霜氣早雲暗夜  
光微鼓角催行急鄉關入夢稀喜將王事畢矯  
首望朝曦

小憇香山寺

修程動百里徃徃餉僧居法鼓迎官急禪房爲  
客虛桃花成井落雲水接郊墟不覺泥塗澀看  
山興有餘

東光道上同莊仲肩年丈談及邊事

寧波府志全集卷之四  
九  
長途多寂寞一夕遇同心對此清尊飲賡來白  
雪吟憂時懷杞慮報國矢葵忱廟算應全勝相  
期聽捷音

嘉禾道中

蘭槩春朝發逶迤驛路賒風來澤國好景入秀  
州嘉酒綠涵山影船香度菜花夜深乘月去疑  
是泛星槎

西湖夜泛二首

畫舫開偏晚看山數舉盃輕波鷗細逐遠浦雁

初迴鼓枻移颿迅漁歌應拍摧不堪愁思切回  
首憶南咳

援琴兼載酒與客泛湖中搖蕩波心月輕揚鏡  
面風荷筒多出水鳥影自翻空露下忘衣溼豪  
吟氣吐虹

武林苦雨

旅館孤燈夜何當積雨深鐘聲寂遠寺鳥語斷  
疎林密洒桃含醉濃拖柳暗金明朝儻聞霽曳  
杖看湖陰

渡錢塘

曉發錢塘渡寒潮勢未平江豚迎楫舞沙鳥背  
人鳴倏忽陰晴變蒼茫烟霧橫怪來風浪惡偏  
向浙中生

清興

遠樹千村合疎陰一派流亭涵秋水碧徑轉遠  
林幽疑有高人隱應無俗轍留飛塵不到處清  
興自悠悠

寄永嘉令陸仲謀年丈二首

我愛東甌令官閒晝尚眠華岩時檢石西榭日  
鳴絃瑞有生芝室庶無對菊錢仁風何以洽耕  
耨在情田

大化無言溥精心自作人菁莪時布雨丘壑遍  
生春竹箭東南盡鷓鴣次第新九重嘉績最青  
瑣遲賢臣

連山驛即事將爲天台之行時辛亥春日  
也

迢遞上連山山青澗水環松濤來海嶠鳥語出



寧波齊全集 卷之四  
禪關村酒沽方熟  
篝車載未闌  
淳風過蟋蟀樂  
意任閒閒

過竹溪

剩有登臨興  
行行度竹蹊  
幽花迎客笑  
好鳥向人啼  
拍手敲泉石  
忘機友鹿麕  
勛名寧靜裏  
切莫負岩栖

宿國清

恣討天台勝  
山靈聚國清  
龍吟雙澗合  
虎踞五峯明  
金地通華蓋  
瑤池映赤城  
夜來鐘磬寂  
九里送松聲

望桃源

不入桃源路  
那知仙境幽  
掩蹊紅葉亂  
出岫白雲悠  
藜杖花間植  
僧茶竹下留  
何時謙塵鞅  
長此足優游

馬家山

躡屩登懸嶺  
捫蘿入翠烟  
松高盤笠鶴  
風急舞孤鳶  
稻擁雲中錦  
岩飛日下泉  
憑虛疑羽化  
舉手欲擎天

陸石屏畫隱

君家二陸後墨妙發奇葩蕭瑟成丘壑霏微勾  
日霞輞川詩意好茗水筆鋒嘉聲價方珍重逃  
名傲物華

立春道中

臘意中宵盡春風傍晚生埜塘水轉綠江寺雪  
初晴農事占泥犢羈懷聽谷鶯故山梅正發誰  
寄欲歸情

新秋試草

溽暑初收夜商風薦爽時納涼松牖榻邀月竹  
林危漫續悲秋賦閒吟招隱詩溪泉堪洗耳高  
臥復奚疑

秋望二首

碧落搖晴閣江潮入望賒波光平檻漾帆影度  
簾斜秋色催新菊涼颺送晚鴉悠然動離思極  
目眇歸艤

忽漫驚秋序涼侵雁字斜風高空埜馬水澗掩  
平沙颯颯舞楓葉盈盈垂蓼花搗衣知幾處懷

古欲長嗟

送姚掾之任泖橋

青瑣舊家聲  
春風捧檄行  
柳催征騎緩  
酒破客愁輕  
泖水烟波濶  
茸城夜月明  
莫嫌官况薄  
民事頗關情

水雲樓望月

雨過月初出  
輕雲澹欲流  
影穿松舞鶴  
光射穴鳴猴  
對酒成幽賞  
凭欄愛水樓  
好吟清夜曲  
餘思轉悠悠

詠史

我愛陶彭澤  
幡然遂故衣  
折腰非足耻  
易祚已  
知幾粟里籬  
邊菊首陽山  
上薇王弘徒  
送酒能  
否識淵微

送李輔之兄弟北上

一編華萼集  
三絕羽儀家  
驛路初聯轡  
長安驟看花  
臨池星落影  
揆藻日生霞  
遲我高陽飲  
相期在及瓜

贈奉邑大令

茂宰清名久官衙僧舍如花開  
棊几靜鳥落訟庭虛推案看山暮  
扶犁及雨餘何時來奏最應入史臣書

飲署中即事

署靜鶯啼樹天炎竹送涼庭前看雨過  
堦下試流觴煩慮隨風遣閒吟託興長  
未須然燭坐後月射迴廊

送蘆海上人還越

曾演空王教疑從折葦來有才通七聖  
無劫度千灰持鉢過燕市參禪上五臺  
松蘿東越藥師是法師回

補遺

壽筵志喜

家嚴初度邁酌酒向花前危坐能終日  
高歌勝少年盡忠頻誨子入道不因仙  
雀髮飄銀燭賓朋各蹶然

端午日家宴紀事

日邊逢午節家慶洽芳筵共喜恩光被  
還將樂

事傳獻壽堪鑣惡繫縷益長年自愧承惟淺携  
孫拜膝前

京口與伯兄話別

相與臨流話行將把袂分桑梓同繫戀鴻燕乍  
離群隴墓兄長倚風塵弟日慙停杯懷涕泗望  
殺太行雲

寧澹齋全集卷之四終

寧澹齋全集卷之五目錄

七言律詩

闡湖偶題

賦得霜前白雁

憶同館却寄

登龍泉山謁孫王二先生祠

送馮正子太史還朝

琦兒出贅北上別于吳門

過臨海縣

桑林驛

宿天台慧明寺

有小引

石梁

明巖

九日憐芳菊二首

閣試

送虞思敬年丈司李開封

送唐欽甫世兄奉使便道南還兼柬令弟

諸兄

西山曉望

至日用杜韻成篇

館課

贈吳上于年丈冊封秦藩便道上太夫人

壽

題羅高君夢鳥軒

曲水流觴

館課

登臺有懷

姚汝行入燕未幾遽聞母訃奔程迅速予

莫能留也言贈短章用節哀思

寄懷張無始年丈

送人遊武夷

賦得明月照積雪仝丘遠程年丈

送劉獻之年丈之任南海

題墨梅爲高光祿

送楊九翼年丈出守漳州

羸洲亭夜坐

送張景明侍御歸蜀

壽樊繼宸年祖八十

姚子雲南還志別

歸第夜作

翼日志喜呈唐顧二座師

歸第謝許大京兆

初月小集

寄張咸仲姻丈時出守雲間

德卿兄初度遙祝此首

送韓崇雅年丈冊封蜀藩

燕楊總戎園亭得波字

天津夜泊悵焉有懷

寧澹齋全集卷之五  
南旺喜雨

舟過廣陵有懷支蘭室老師不勝西州之

慟焉

寄劉君東孝廉

毘陵逢蔡憲使爲供扇頭之役

輓陳憲長白野先生

無題

用李義山體

寧澹齋全集卷之五目錄

終

寧澹齋全集卷之五

句章楊守勤克之甫著

同社姚孟燿汝行甫校

七言律詩

闕湖偶題

湖光山色總堪題萬頃蒼烟入望迷雉堞連雲  
波岸迴虹橋漾月水天低闕峰閣倚華巖畔環  
碧亭開虎石西况有名賢遺澤在漫將粧點羨  
蘇堤



賦得霜前白雁

盧龍塞外早寒歸，忽訝風前一雁飛。  
漢月落痕迷素影，楚江如練舞清輝。  
聲傳孤戍驚迴首，夢斷深閨急擣衣。  
嘹唳霜天同曉角，頓令秋色滿皇畿。

憶同館却寄

長安詞客故風流，紫陌青山並轡遊。  
載酒每因花信發，聯詩多爲月明留。  
陽春調入松風引，曲水觴牽魚藻浮。  
我輩襟情良不淺，百年勝事在

汾洲

登龍泉山謁孫王二先生祠

三月晴濤飛舜水，一天春色滿龍泉。  
風流江左追遺事，寂寞蘭亭憶遶年。  
大節千秋垂汗史，良知一脉揭心傳。  
名祠並峙清江上，仰止高山在目前。

送馮正子太史還朝

仙帆高掛指蓬萊，縹緲波光拂檻來。  
鶴禁久遲經術重，鳳池還聽履聲回。  
天邊瑞露濡萱砌，日

下紅雲映玉臺此去定開鈴閣兆江亭何日再  
啣杯

琦兒出贅北上別于吳門

阿兒弱冠赴燕臺握別姑蘇話未開北地風霜  
宜保重南天雲樹漫徘徊黃金舊有涓人價白  
雲新依郢客才此去勉旃成學業好音遙望日  
邊來

過臨海縣

蓋輿迢遞度章安村落紆徐路尚寬地應台垣  
仙窟近城臨江海郡齋寒長林雨歇開新霽落  
日潮平縱大觀却笑風塵空役役經過此地重  
盤桓

桑林驛

山坳古驛少逢迎舉醜長吟對短檠林外埜禽  
鳴皓月桑間寒犬吠明星陰晴幾向秋風卜潮  
汐遙從曉日生此去石橋應咫尺漫教車騎促  
巖程

宿天台慧明寺

有小引

由連山歷緱城度松門嶺至慧明禪寺  
寺在層山疊嶂中門臨方池庭栽修竹  
蒼松翠柏森列左右門旁有鐘樓自丙  
辰兵燹天台諸寺鐘俱索鑄兵器獨此  
鐘賴一邑丞百計護藏得無毀蓋吳越  
王時物也始自華頂遷國清後因此山  
有九龍潭時作怪雨又遷以鎮之鍾製  
甚渾樸色如髹漆扣之聲振山谷九龍  
潭一名靈澤瀑布怒飛望之神聳蓋自

緱城入台爲第一勝云

松門歷盡上茲山緝宇參差碧沼環松下挂衣  
僧意靜竹邊聽偈客心閒鐘移華頂層樓聳龍  
起靈湫瀑水灣明到石橋尋往蹟夢中應不忘  
躋攀

石梁

誰將玉斧割鴻濛特駕飛梁絕壑中千尺垂虹  
懸斷峽一溪瀑布瀉晴空梯雲棧道知難並泛  
月靈槎倘許通五百應真何處覓空令游客想

仙風

明巖

明巖峰與響巖連洞裏虛涵小有天滿峽烟霞  
翻照壁緣溪竹筧曲通泉風傳石罅清音轉月  
上松門斤影懸應有靈光照心膽欲從此地挾

飛仙

九日憐芳菊二首

閣試

搖落菟園景色荒却憐藜菊殿羣芳霜前細葉  
凝翠露下繁英忽散黃寒餌釀和歸藥鼎幽

葩入佩襍萸香宜人最是東籬畔寂莫千秋意  
更長

滿城風雨九秋天醉把黃花綺席前秀質獨凌  
霜色豔芳心偏浥露華鮮壺觴已動高秋感松  
柏同看晚節堅此日詞臣舒彩筆樂遊苑上有  
佳篇

送虞思敬年丈司李開封

暫典刑章入洛城廟廊經濟早知名下車未問  
封狐種破膽先令埜鬼驚中嶽秋風迎駐節吹

臺夜月動歌聲遙瞻德采輝光處會有徵書下  
帝京

送唐欽甫世兄奉使便道南還兼柬令弟

諸兄

皇華使者鳳池仙自是君恩屬象賢乍擁紫駟  
過北塞旋乘青雀下南天月明柳上芙蓉好露  
浥庭中棣萼鮮寄語景光須自愛承家報國總  
仔肩

西山曉望

春日登樓望曉晴西山咫尺雪峰明殘梅尚宿  
林間雀嫩柳初啼陌上鶯寥落邨墟烟火寂參  
差宮闕凍雲橫支頤獨坐寒猶凜何處山童弄  
笛聲

至日用杜韻成篇

館課

叨從簪筆侍鵷班此日占雲競解顏緹室陽回  
灰乍動北宮霜淨靄初還寒梅欲放龍樓外清  
磬初傳御座間聞說今年將肆赦登歌贊德祝  
南山

年流齋全集卷之五  
贈吳上于年丈冊封秦藩便道上太夫人

壽

出塞生平一壯遊  
星輶到處可冥搜  
華峯壁削三千丈  
澧水分流百二洲  
傳得陰符歸玉塵  
歸攜芝艸佐瓊羞  
芸臺旦夕承清問  
應奉潘輿入

帝州

題羅高君夢鳥軒

卜築青山絕要津  
羅含彩筆四時新  
溪聲帶雨催詩急  
梅蕊含香送酒頻  
夜靜蕭疎風韻竹  
夢

曉鳥鳴春偶來隱  
几窺奇字莫遣山童報

主人

曲水流觴 館課

藉艸芳辰被鏡洲  
迴淪婉轉羽觴浮  
香凝綠蠅隨波裊  
影逐輕鳧遶澗流  
弱荇牽風虛欲逗  
垂楊返照暗疑留  
景龍賜卷傳遺事  
陪賞長期續勝遊

登臺有懷

百尺層臺俯碧岑  
振衣薄暮一登臨  
長江迴浦

留殘照古木鳴蜩送晚音空外水烟時聚散望  
中漁火乍浮沉懷人欲泛瀟湘棹託賦蕪葭寄  
遠心

姚汝行入燕未幾遽聞母訃奔程迅速予  
莫能留也言贈短章用節哀思

挾策驅馳上帝京却傷風木促歸程雲封岬岵  
悲遊子月暗關河隱婺星迢遞燕山腸欲斷潺  
湲越水夢還驚遙知此去春將暮幾度啼鶻血  
淚并

把袂京津送遠行那堪回首話生平芸窗滿架  
先人業衣線千條慈母情愁絕關山雲樹渺程  
兼晝夜馬蹄輕到家願節悲哀甚大孝由來屬  
令名

寄懷張無始年丈

相隨相別轉相思幾度韶光擲柳絲調出陽春  
知寡和觥分燕市訂何期蹉跎未遂投閒意靖  
獻深慚入直時羨爾絲綸傳盛美臨風莫忘寄  
新詩

送人游武夷

蘭鷓初開江正秋  
淒淒烟樹使人愁  
蟬聲偏向離津急  
月色多緣祖席留  
蕭屑奚囊吹越笛  
昂藏俠氣看吳鉤  
天光雲影遺亭在  
此去探奇豈謾遊

賦得明月照積雪仝丘遠程年丈

長安飛雪喜占豐  
萬里清光一望通  
金粟晃搖銀世界  
靈蛛轉上玉華宮  
人從瑤島排晴浪  
酒向瓊樓吸白虹  
此月相梁聯秀句  
陽春高唱許誰同

送劉獻之年丈之任南海

儒郎墨綬鞞金鞵  
渺渺修途問幾千  
潞水蕪葭秋寂莫  
嶺南桃李日暄妍  
扁舟遠向沉香瀾  
斗酒長攜粵秀巔  
此去安期應授訣  
菖蒲肯易荔枝鮮

題墨梅爲高光祿

冰玉花將墨寫神  
開圖冷韻颯侵人  
孤山雪裏遊情劇  
東閣尊前詩興新  
月照疑來仙子夢  
風



飄欲點壽陽春東君對爾巡簷笑只少幽香可  
辟塵

送楊九翼年丈出守漳州

送君握節領專城三疊驪歌醉裏聽驛路榴花  
猶照眼檐帷柳色揔關情蓮峰竹馬歡聲沸漲  
海封疆蜃氣清此地名賢遺澤在好同元晦著  
芳聲

瀛洲亭夜坐

芳亭漾綠鳳池邊一派清漪瀉碧泉疎柳垂條  
界面小魚戲浴巧生漣香移玉樹簾前影照  
徹銀河水底天却忘坐深寒露下相看共是石  
渠仙

送張景明侍御歸蜀

落日燕山動去旌不堪回首望神京已將骨鯁  
干時禁那肯脂韋狗物情日落滄江秋色老雲  
橫巴峽壯心驚賜環定爾旌孤直翹首重來矢  
鳳鳴

壽樊繼宸年祖八十

曾向匡廬訪列真吞華五臟日生春年來服炁  
容偏睥老去談玄意轉新庭樹干霄栖瑞鶴瑤  
芝映圃育蒼麟只今戲彩俱靈種不數燕山有  
大椿

姚子雲南還志別

挾藝遊燕意氣新春明  
迺復送行塵風霜此日  
應憐汝聲價千秋自逼人  
驛路黃花應入御家  
鄉黑黍釀初醇  
竚看立馬吳山頂  
又着先鞭渡  
易津

歸第夜作

聽罷臚傳出鳳城  
萬人團擁沸歡聲  
一天霽色  
開仙仗  
五色祥雲映繡旌  
身惹爐烟瞻闕近  
夢回鷓隊聽鷄鳴  
明朝入視承明艸  
敢謂榮華足  
此生

翼日志喜呈唐顧二座師

南宮北闕第名同  
衣鉢親承兩鉅公  
暗點朱衣  
文乍合班先玉筍  
籍初通  
寅緣不藉琵琶曲  
踴躍還因冶鑄功  
草莽一朝霑雨露  
憑誰指引荷

天工

歸第謝許大京兆

天街遊罷慶遭逢  
騶從追隨許孟容  
地逼蓬萊疏寵渥  
風清禁輦拜恩重  
自憐駑骨稱神駿  
却羨麟符錫袞龍  
况是梓鄉司宴賞  
昇平藉爾發華鐘

初月小集

良夜邀賓倒玉醅  
多情况值月初來  
細節桐露衣忘怯  
暗度林鶯酒若催  
醉後漫勞頻捉麈  
吟餘還擬共登臺  
何當極目雲千里  
逗起離情鬱未開

寄張咸仲姻丈時出守雲間

春到茸城歌頌喧  
郡人爭出擁朱幡  
放衙爲報凰栖境  
行部驚看鹿夾轅  
晝靜花陰時送影  
夜深月色正當軒  
遙知五馬風流甚  
何日開樽共笑言

德卿兄初度遙祝此首

兄年六十色如童  
豈有丹經授八公  
勝事總銷

碁局裏雄心降付酒杯中  
循陔雅入湖山夢  
治圃時來松菊風  
愧我無由稱祝筭  
頌言千里寄詩筒

送韓崇雅年丈冊封蜀藩

喜沐甘霖暑欲殘  
塵清萬里送征鞍  
桐圭天府原推蜀  
山斗才名久識韓  
酒載玄亭秋氣爽  
詩題劔閣夜光寒  
歸來采得賢臣頌  
擬共風謠獻玉鑾

讌楊總戎園亭得波字

幕府名園勝事多  
曲池瑤島振靈鼉  
登樓興逸庾都督  
聚米機深馬伏波  
海外烽烟平戍壘  
帳前鼓吹應饒歌  
東南倚賴時方切  
鴻渚何當信宿過

天津夜泊悵焉有懷

畫船南向是歸津  
落日帆檣傍海垠  
候雁參差分極浦  
秋潮漭蕩接青旻  
烽烟正切邊疆警  
樓櫓爭傳刁斗巡  
憂國每勞儲待計  
籌車才報足京囷

南旺喜雨

南北中分勢建瓴兼旬不雨麥無青共嗟旱魃  
能為祟忽信神龍自有靈雲起泰山膚寸合泉  
飛天井斥時零布帆正借西風便拂拂濤聲枕  
上聽

舟過廣陵有懷支蘭室老師不勝西州之

慟焉

幾年函丈鑄疎狂况復思深蔽蒂棠千里有天  
鷲夜永九原無地借春長珠探赤水龍門迴鶴  
吟揚州蛻骨藏寂莫松楸何處問低回蕭壁轉  
心傷

寄劉君東孝廉

蚤聞才子善為表真長高名不易儔品格可能  
師百世文章應許著千秋孝求終慕揚先烈樂  
在栖真薄貴游剩有庭賢能接武淵源方信說

三劉

毘陵逢蔡憲使為供扇頭之役

使君旌節下吳門兩世交情抵掌論水鏡已知

推月且龍馭又許壯藩垣慙無色筆瀾翻勢喜  
奉仁風笑語溫彤管它時傳不休青箱鴻烈萬  
年存

輓陳憲長白野先生

俄聞洛社失耆英罷市停春淚雨并奈可騎箕  
朝玉闕不堪歸鶴遶山城縹緗滿架存先業琪  
樹森庭紹令名尸祝况隨跋歷地從來不朽是  
長生

無題

用李義山體

無限幽情欲話難玉肌消削粉容殘綠楊枝上  
春纔透紅豆稍頭露未乾香篆漫燒憐日末珠  
簾低捲怯風寒近來刺繡工夫苦羞與鄰姝比  
並看

壽封侍御牟仁宇先生二首

玉壘崧高挺至人憂時抱赤道長新石家醇謹  
原推奮蘇氏文章教屬洵柱下繡衣疑戲綵庭  
前華萼映靈椿漫誇閩苑多奇事只尺瑤堦會  
列真

柱史聲名震八荒  
遙馳驄斧下燉煌  
楓宸齊慶過周曆  
椿室遄歸捧壽觴  
庭訓只看封事美  
年華初並帝圖昌  
憑誰試問三山外  
奏入琅玕第  
幾章

寧澹齋全集卷之五終

寧澹齋全集卷之六目錄

七言律詩

南郊陪祀

北郊陪祀

送周斗垣年丈入賀還任

元日退朝試筆

伯兄南來即席志喜

夢賞雪燈得僧字  
禁用物語時有編衣  
危坐者醒而紀之

寧波齊全集卷六  
贈張中丞開府宣鎮

送王仲開南還

賦得桃始華

館課

送客之閩中

挽封司李劉太公兼別義齋老師

吳門逢謝紫會刺史借第山子比部談道

有贈

重過項氏別業

答孫稚繩年丈



